

A *rub*a

A *nta*ño

ARUBA ANTANO...hopi prome cu 150 aña pasa e capital di Aruba no tabata Oranjestad, pero tabata Sabaneta, unda cu e nomber a ser origina banda di 1840. Probablemente e lugar chikito aki e tempo aya, a ser denomina simplemente e "haaf" den e epoca spaño. Manera cu e nomber a ser nombra como e Bahia del Comendador (Commandeursbaai) den e epoca hulandes. For di eynan tambe despues di tempo na e pueblo di Sabaneta nos a bin conoce Commandeursbaai Club, unda den un ocasion Lila Morillo a yega di canta den un di su prome pasonan farandulera. Te cu alrededor di 1790 e Commandeur a ser traslada pa Ponton, cu un tempo tabata pertenece na e distrito di Noord, y cu esaki ta keda un poco mas cerca di Oranjestad awendia. Poco tempo despues e ciudad chikito banda di e paardenbaai, e ora ey e nomber di Commandeursbaai a keda for di uso. E lugarcito chikito a reviva na 1840 consecuencia di e cultura di e asina yama cochinilla (cochinilla ta un insecto hemiptero, cu tabata biba riba e tuna nan, e hembra di esaki ya morto, seca y mula pa duna e color bunita di grana. Pero despues di 1853 esaki a cai un poco of completo debi na e desarollo di e producto quimico cu tabata mas barata. Durante e tempo di cultiva cochinilla nan a cuminsa yama e sabana chikito ey Sabaneta (cu ta sabana chikito), pa distingui esaki for di e Sabana Grandi cu ta keda mas na e parti occidente.